

PLAN RADA UPFBIH ZA 2024.

Prijedlog

UVOD

Plan rada Udruženja poslodavaca u FBiH za 2024. godinu zasniva se na odredbama Statuta UP FBiH i na smjernicama Upravnog odbora UP FBiH.

Plan rada UPFBiH za 2024. godinu prilagođen je trenutnoj ekonomsko-socijalnoj situaciji u zemlji, situaciji na tržištu rada, te materijalnim mogućnostima, organizacionim i kadrovskim kapacitetima Udruženja.

Udruženje poslodavaca u FBiH će insistirati na donošenju i provođenju konkretnih mjera kojima će se unaprijediti uslovi poslovanja i poboljšati poslovno okruženje.

1. CILJEVI

Udruženje će svoje aktivnosti u 2024. godini zasnivati na ostvarenju sljedećih ciljeva:

- ✓ **Rasterećenje privrede, prvenstveno kroz smanjenje opterećenja cijene rada i smanjenje parafiskalnih nameta**
- ✓ **Jačanje socijalnog dijaloga**
- ✓ **Intenziviranje rada sa Vladom FBiH u cilju postizanja adekvatnog poslovnog ambijenta**
- ✓ **Suzbijanje sive ekonomije**
- ✓ **Unaprjeđenje poslovnog ambijenta koji će omogućiti stabilno poslovanje članica, razvoj i punu zaposlenost**
- ✓ **Pojednostavljenje administrativnih procedura**
- ✓ **Unaprjeđenje tretmana privatnog/realnog sektora u odnosu na javni**
- ✓ **Jačanje imidža Udruženja kroz širenje članstva i osnaživanje materijalnih, kadrovskih i organizacionih kapaciteta Udruženja.**

2. PRIORITETNE AKTIVNOSTI UPFBiH

U cilju rasterećenja privrede Udruženje poslodavaca u FBiH će nastaviti započete aktivnosti, te raditi na:

- Aktivnostima za smanjenje opterećenja cijene rada u cilju poboljšanja poslovanja i posebno stvaranje uslova za rast neto plata radnika
- Aktivnostima na donošenju strategije i izmjene propisa iz oblasti od prioritarnog interesa poslodavaca (fiskalni i parafiskalni propisi, zdravstveno osiguranje, zaštita na radu propisi iz oblasti rada i zapošljavanja, zapošljavanja stranaca u BiH, usklađivanje obrazovanja sa potrebama tržišta rada i dr.)
- Generalno poboljšanje poslovnog ambijenta
- Jačanju socijalnog dijaloga
- Uključivanje u sve aktivnosti nadležnih institucija s ciljem unaprjeđenja evropskih integracija kroz poziciju poslodavaca međunarodnog tržišta roba i usluga i dr.

KLJUČNI PRIORITETI U 2024. GODINI:

- Unaprjeđenje ekonomsko-socijalnog dijaloga sa vlastima (uspostava i početak rada ESV FBiH).
- Usvajanje seta fiskalnih zakona (Zakon o porezu na dohodak, Zakon o doprinosima, Zakon o porezu na dobit, Zakon o minimalnoj plati i dr.).
- Reforme u posredovanju u zapošljavanju i evidencijama nezaposlenih osoba kroz usvajanje Zakona o posredovanju i zapošljavanju (razdvajanje obaveznog zdravstvenog osiguranja od funkcije posredovanja u zapošljavanju).
- Bolje korištenje raspoloživih Fondova i priprema ciljanih Projekata zavoda i službi FBiH za realizaciju projekata osiguranja i zadržavanja radne snage, zapošljavanja, prekvalifikacije, dokvalifikacije, stručnih obuka i dr.
- Unaprjeđenje politika i propisa za uvoz strane radne snage.
- Reforme u oblasti zdravstvenog osiguranja i zaštite (smanjenje tereta bolovanja na račun poslodavaca, povrede na radu i dr.).
- Usklađivanje sistema obrazovanja sa potrebama tržišta rada - kroz aktivnosti Federalnog ministarstva i koordiniranja sa nadležnim kantonalnim ministarstvima.
- Uključivanje Udruženja poslodavaca u FBiH u svim fazama pripreme donošenja propisa, a posebno kroz proceduralna pitanja, fiskalnu procjenu i druge utjecaje koje će propisi proizvesti.
- Unaprjeđenje pitanja prava na rad i zapošljavanja isključenih grupa nezaposlenih osoba u FBiH (osobe sa invaliditetom kroz rad na otvorenom tržištu rada, pravo rada studenata, rad stranaca sa priznatim statusom u BiH, žene i dr. u ruralnim krajevima, kao odgovor na nedostatak radne snage).
- Aktivna uloga u utvrđivanju cijene električne energije, energenata, sirovina za privredu u FBiH.
- Kroz ekonomsko-socijalni dijalog i druge legalne mehanizme nastaviti sudjelovanje i iniciranje reformi i u oblasti rada i zapošljavanja, kolektivnog pregovaranja, fiskalne politike, industrije, trgovine, usluga, obrtništva i dr.
- Aktivnije uključivanje u proces europskih integracija, posebno usaglašavanje propisa, priprema i realizacija projekata iz EU fondova i uključivanje u rad foruma koji sudjeluju u pripremanju za EU integracije.
- Unaprjeđenje regionalne saradnje kroz realizaciju regionalnih projekata.
- Priprema Projekata sa ciljem jačanja uloge Udruženja u sistemu (prema vladama i ministarstvima, zavodu i službama za zapošljavanje domaćim i međunarodnim organizacijama, nevladinim organizacijama i dr.).

S ciljem realizacije prioriternih aktivnosti, UPFBiH će insistirati na usvajanju propisa:

BIH NIVO:

1. Izmjene Zakona o porezu na dodatnu vrijednost
2. Izmjene Zakona o javnim nabavkama
3. Izmjene Zakona o strancima BiH
4. Izmjena Odluke o uvjetima i postupku ostvarivanja prava na oslobođanje od plaćanja uvoznih i izvoznih dažbina
5. Donošenje odluke kojom će se regulisati korištenje šume od strane domaćih privrednika

NIVO FBiH:

1. **Omogućavanje socijalnim partnerima učešće na svim nivoima vlasti** u izradi i donošenju zakona i podzakonskih akata koji su od interesa za poslodavce
2. **Hitno usvajanje pet zakona prijedloga UPFBiH po skraćenom postupku koji su upućeni u zakonodavnu proceduru:**
 - a) Zakon o izmjenama i dopunama Zakona o zdravstvenom osiguranju
 - b) Zakon o izmjenama i dopunama zakona o Poreznoj upravi
 - c) Zakon o izmjenama i dopunama zakona o fiskalnim sistemima
 - d) Zakon o izmjenama i dopunama Zakona o privatizaciji
 - e) Zakon o izmjenama i dopunama zakona o profesionalnoj rehabilitaciji, osposobljavanju i zapošljavanju osoba sa invaliditetom
 - f) Zakon o izmjenama i dopunama Zakona o radu
3. **Usvajanje zakona koje je pripremila UPFBiH, a prioriterni aktivnosti će se usmjeriti na izmjene i dopune, odnosno donošenje novih zakona:**
 - a) Zakon o doprinosima
 - b) Zakon o porezu na dohodak
 - c) Zakon o izmjenama i dopunama zakona o porezu na dobit
 - d) Zakon o minimalnoj plati

Pored navedenih aktivnosti, Udruženje poslodavaca u FBiH će u narednom periodu insistirati i na:

- Donošenju Zakon o formiranju Ekonomsko-socijalnog vijeća na nivou BiH
- Izmjeni Zakona o akcizama
- Zaključivanju bilateralnih međunarodnih ugovora o povratu PDV-a sa 11 država, prvenstveno sa Hrvatskom i Slovenijom
- Izmjeni Uputstva o postupku izvoza
- Smanjenju i ukidanju administrativnih i sudskih taksi
- Donošenju Pravilnika o dodacima prehrani
- Uvođenju elektronskog potpisa
- Uređenju oblasti uprave, inspekcije i prekršaja
- Ukidanju obaveze oporezivanja dohotka od prodaje udjela
- Izmjeni Pravilnika o primjeni zakona o porezu na dobit (izmjena člana 42. koji propisuje mogućnost i pravne posljedice korištenja nižih stopa amortizacije od stopa koje su propisane Zakonom o porezu na dobit)

- Izmjeni Pravilnika o primjeni zakona o porezu na dohodak (promjena načina utvrđivanja prihoda od korištenja vozila u privatne svrhe)
- Izmjeni Uredbe o visini naknada za vanredni prijevoz u Federaciji BiH (smanjiti visinu naknade za vanredni prevoz i za izdavanje rješenja za 30-40%)
- Izmjeni Pravilnika o utvrđivanju uslova za obavljanje vanrednog prevoza (ukinuti izradu elaborata za vanredni prevoz, te pojednostaviti procedure za stručnu i policijsku pratnju i procedure za dobijanje dozvola i smanjiti troškove dozvola)
- Reformi obrazovanja na način da se kadar pripremi za tržište rada.

3. UNAPRJEĐENJE RADA GRUPACIJA

Udruženje poslodavaca FBiH u 2024. godini planira dio svojih aktivnosti usmjeriti na poticaj razvoja postojećih granskih i kantonalnih udruženja. Na ovaj način se postiže efikasnost samog Udruženja na rješavanju problema radi zadovoljavanja interesa pojedinih grana ili djelatnosti odnosno zastupanja interesa poslodavaca na kantonalnim odnosno granskim nivoima.

U narednom periodu UPFBiH će raditi na sljedećim aktivnostima:

- ✚ Jačanje kapaciteta kantonalnih grupacija
- ✚ Jačanje kapaciteta grupacija po osnovu djelatnosti
- ✚ Osnivanje dvije nove kantonalne grupacije za ZHK I HNK
- ✚ Formiranje dva nova ESV-a na kantonalnom nivou i unaprjeđenje socijalnog dijaloga na nivou BiH.

4. UNAPRJEĐENJE IMIDŽA UPFBiH

Sa ciljem jačanja imidža Udruženja poslodavaca u FBiH i obezbjeđenja pozicije nezaobilaznog društvenog faktora UPFBiH će u toku 2024. godine u ostvarenju ciljeva:

- ✚ Definirati i provoditi kampanju na društvenim mrežama
- ✚ Poboljšanje vizualnog identiteta
- ✚ Jačanja PR aktivnosti
- ✚ Jačanje teritorijalnog prisustva Udruženja poslodavaca u FBiH
- ✚ Potpisivanje Protokola o saradnji sa ključnim institucijama izvršne vlasti na svim nivoima i NVO.

5. JAČANJE MATERIJALNIH KADROVSKIH I TEHNIČKIH KAPACITETA

- ✚ Jačanje kadrovskih kapaciteta
- ✚ Finansijska stabilnost na bazi članarina i projekata.

6. JAČANJE POZICIJE POSLOVNO-OBRAZOVNOG CENTRA UDRUŽENJA POSLODAVACA U FEDERACIJI BIH

Udruženje poslodavaca u FBiH će u 2024. godini u okviru svojih kapaciteta jedan dio aktivnosti usmjeriti unaprjeđenje rada Poslovno-obrazovnog centra UPFBiH, kao i jačanju uloge POC-a u privlačenju ciljanih projekata od strane međunarodnih i domaćih institucija.

Kroz otpočinjanje rada Poslovno-obrazovnog centra Udruženja poslodavaca u FBiH stvara se mogućnost da Udruženje i naše članice uspostave jači i kvalitetniji sistem obrazovanja odraslih.

Godišnjim anketiranjem naših članica o potrebama za radnom snagom će se praviti godišnji plan edukacije unutar POC-a posebno na bazi projekata koji budu odobreni od strane Službi za zapošljavanje i dr.

Poslovno-obrazovni centar Udruženja poslodavaca u FBiH će u partnerstvu s kompanijama članicama pružati kvalitetno stručno usavršavanje za deficitarna zanimanja na tržištu rada za drvni, metalni i tekstilni sektor, a kasnijim razvojem Centra i ostalim sektorima.

Ciljne skupine:

Sve one koji imaju specifične potrebe za sticanje novih vještina i kompetencija:

- nezaposleni
- zaposleni kod poslodavaca UP FBiH.

Edukacija

UPFBiH će kroz POC kreirati program edukacije kojeg bismo ponudili članovima UPFBiH. Ovome treba prethoditi istraživanje među članovima UPFBiH kako bismo saznali njihove potrebe za edukacijom. Svaki drugi program bio bi zapravo pokušaj nametanja programa kojeg ljudi ne moraju ili ne žele prihvatiti. Seminari se mogu finansirati sponzorstvom, kotizacijama i donacijama međunarodnih organizacija.

Aktivnosti udruženja na edukaciji bi se trebale usmjeriti:

- ✚ Sponzorisane kratkih kurseva, seminara i radionica
- ✚ Kooperacija sa programima edukacije i obuke drugih organizacija
- ✚ Saradnjom sa predstavnicima akademske zajednice
- ✚ Otvaranje svih vidova edukacije članova i saradnje na organizaciji stručnih simpozija, seminara, okruglih stolova i posjeta.

7. AKTIVNOSTI UPFBiH U OKVIRU PROJEKATA

PROJEKTI U TOKU 2024. GODINE:

- Nastavak Projekta EU sa UPRS „Doprinos organizacija civilnog društva poboljšanju uticaja preduzetništva na socio-ekonomski razvoj BiH - EISE projekat“
- Projekat Zavod za zapošljavanje FBiH „Obuka i priprema za otvoreno tržište rada osoba sa invaliditetom“
- Projekat EU sa Unijom poslodavaca RS „ Jačanje ljudskih prava u aktivnostima poslovnog sektora u Bosni i Hercegovini“
- Projekat ILO „ Uspostava baze podataka“.

APLICIRANI PROJEKTI:

- Regionalni Projekat sa udruženjima poslodavaca Crne Gore, Srbije, Makedonije, Albanije i dr.
- Projekat koji finasira Švicarska ambasada „Improving labor market and cooperation of employers, government authorities and the civil sector through the employment of persons with disabilities on the open labor market“
- Projekat IOM „ Mobilnost radne snage“
- Regionalni projekat sa udruženjima poslodavaca i sindikatima transporta Srbije, Crne Gore, Slovenije, Italije, Makedonije „Empower social partners on western Balkans“.

UPFBiH će također tokom 2024. godini raditi na pripremama Projekta za koje se ukaže prilika da može biti nosilac Projekta ili partner na projektu a koji nisu planirani u okviru Plana rada.

8. OSTALE AKTIVNOSTI

Saradnja sa drugim organizacijama

Udruženje poslodavaca u FBiH svoje aktivnosti obavlja u saradnju sa drugim udruženjima poslodavaca i institucijama u Bosni i Hercegovini.

Organizacije sa kojima trebamo koordinirati i dogovarati implementaciju naših programskih zadataka: Unija poslodavaca RS, Udruženje poslodavaca BD, Privredna komora FBiH, sindikati i mnoge druge.

Također, nastojat ćemo da jačamo već dobro uspostavljenu saradnju sa Upravom za indirektno oporezivanje, Upravom za inspeksijske poslove, Poreskom upravom, vanbudžetskim fondovima i svim drugim institucijama koje mogu pomoći u stvaranju adekvatnog poslovnog ambijenta i zaštite prava naših članica.

Naravno, veoma je bitna komunikacija i saradnja sa medijima. Bez medijske podrške biće mnogo teže ostvariti naše ciljeve.

Usluge članstvu

Kontinuirano će se raditi na unapređivanju i jačanju kvaliteta naših usluga i na taj način će se sačuvati dosadašnje članstvo. Podizanjem kvaliteta našeg rada i ostvarenim rezultatima motivisaće se nove kompanije za pristupanje udruženju.

Udruženje poslodavaca u FBiH će nastaviti kontinuirano pružati dosadašnje usluge članstvu:

- ✓ Informisanje o novim propisima putem web stranice pravne pomoći
- ✓ Izrada i dostavljanje press clippinga članicama na dnevnoj bazi
- ✓ Izdavanje News letter-a na mjesečnom nivou

- ✓ Izdavanje stručne literature i priručnika koji će pomagati članstvu u primjeni propisa
- ✓ Učiniti dostupnom članovima bazu podataka koja će sadržavati sve podatke o našim članicama, te omogućiti direktne kontakte poslovnim partnerima;
- ✓ Svakodnevno pružanje informacija o svim dešavanjima i aktivnostima članstvu putem interaktivne web stranice;
- ✓ Obezbjediti redovne informacije o makroekonomskim pokazateljima
- ✓ Odgovaranje na pravne upite sa stranice pravne pomoći
- ✓ Pružati informacije o zahtjevima za poslovnu saradnju.

Udruženje će i u toku ove godine nastaviti sa organizovanjem redovnih sastanaka sa članovima kao i svakim potencijalnim članom.

Također, Udruženje poslodavaca u FBiH će u okviru aktivnosti „omasovljenje članstva“ tokom 2024. godine finalizirati započete aktivnosti za ulazak u članstvo **Udruženja banaka BiH, Udruženja društava za osiguranje u Federaciji BiH te ulazak u članstvo privatnih kompanija iz oblasti zdravstvenog sektora.**

Newsletter





Tokom 2024. godine nastavak mjesečnog izdanja Business Info Newsletter koji se u elektronskoj formi distribuira na više od 1000 adresa, članovima, predstavnicima vlasti, medijima, akademskoj zajednici i ostalim organizacijama.

Godišnji Bilten UPFBIH

Također, krajem decembra pripremit će se i štampati II izdanje Godišnjeg Biltena UPFBIH.

Međunarodna saradnja

U cilju zastupanja interesa poslodavaca na međunarodnom nivou UPFBIH će u toku 2024. nastaviti sa svojim aktivnostima:

-  Stvaranje preduslova za pristupanje BUSINESSEUROPE-u
-  Stvaranje preduslova za prisupanje IEO
-  Nastavak dobro uspostavljene saradnje sa ILO-om
-  Nastavak dobro uspostavljene saradnje sa poslodavačkim organizacija u regionu i EU.

UPRAVNI ODBOR UPFBIH

